

JAMHURI YA MUUNGANO WA TANZANIA

BUNGE LA TANZANIA



• ORODHA YA SHUGHULI ZA LEO •

MKUTANO WA KUMI NA MOJA

KIKAO CHA HAMSINI NA NANE

26 JUNI, 2018



ORODHA YA SHUGHULI ZA LEO

MKUTANO WA KUMI NA MOJA


KIKAO CHA HAMSINI NA NANE – TAREHE 26 JUNI, 2018

I. DUA:

II. MASWALI:

OFISI YA RAIS (TAMISEMI):

**487. MHESHIMIWA AYSHAROSE NDOGHOLI
MATTEMBE (VITI MAALUM):**



Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Mtakatifu Gaspar imekuwa Hospitali ya Rufaa tangu mwaka 2011 na inahudumia Wananchi wa Mikoa ya Tabora, Singida na Mbeya. Wakati wa Kampeni mwaka 2015, Mhe. Rais Dkt. John Pombe Magufuli aliahidi kuipatia Vifaa Tiba, Dawa na Watumishi wa kutosha ili kupunguza changamoto wanazokutana nazo Wagonjwa:-

Je, ni lini ahadi ya Mhe. Rais itatekelezwa ili kusaidia Hospitali hiyo kutoa huduma za afya kwa ufanisi na kuokoa maisha ya Wananchi.

**488. MHESHIMIWA HASSAN SELEMAN KAUNJE
(LINDI MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

- (a) Je, ni lini Serikali itadhamini Wenyeviti wa Serikali za Mitaa ili waweze kupata mikopo kama ilivyo kwa Madiwani na Wabunge;
- (b) Je, ni lini Serikali itaanza kuwalipa posho/mishahara Wenyeviti wa Serikali za Mitaa.

**489. MHESHIMIWA ZUBERI MOHAMED KUCHAUKA
(LIWALE):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kumekuwa na mgogoro wa muda mrefu wa mpaka kati ya Wilaya ya Liwale na Wilaya ya Kilwa:-

Je, ni lini Serikali itamaliza mgogoro huo ili kuleta amani katika Wilaya hizo kabla amani haijatoweka.

OFISI YA RAIS (UTUMISHI NA UTAWALA BORA):

490. MHESHIMIWA JAKU HASHIM AYOUB (B.L.W.):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Mawaziri kama walivyo Viongozi wengine wa Serikali wapo kwa ajili ya kuwahudumia Wananchi na kwamba Wananchi wamewachagua Wabunge na Mawaziri (Serikali) ili kuwasiliana, kushirikiana na kushauriana katika kutatua kero zao; lakini kwa bahati mbaya sana wapo baadhi ya Mawaziri ambao kupatikana kwao hata kwenye simu ni jambo gumu kupita kiasi:-

- (a) Je, Serikali haioni kuwa ipo haja ya Mawaziri wenyе tabia hiyo ya kujichimbia na kutopatikana kwenye simu kuacha tabia hiyo kwa maslahi ya Wananchi;
- (b) Je, Serikali itakubaliana nami kuwa ipo haja ya kuweka utaratibu maalum wa kuifikia Serikali iwapo Wananchi kuitia Mbunge wao wana shida ya kumwona Waziri anayehusika na akawa hapatikani hata kwa simu.

WIZARA YA MIFUGO NA UVUVI:

491. MHESHIMIWA MUSUKUMA JOSEPH KASHEKU (GEITA VIJIJINI):

Atamuuliza Mheshimiwa Waziri wa Mifugo na Uvuvizi:-

- (a) Je, ni utafiti gani umefanyika katika Ziwa Victoria mpaka kufikia hatua ya kuzuia uvuvizi wa aina yoyote kwa kisingizio cha uvuvizi haramu;
- (b) Je, ni Sheria gani inatumika kukamata nyavunana ndani ya dakika kumi zinachanwa bila ya kumpa Mvuvizi nafasi ya kujitetea.

WIZARA YA KILIMO:

492. MHESHIMIWA NJALU DAUDI SILANGA (ITILIMA):

Atamuuliza Mheshimiwa Waziri wa Kilimo:- Tanzania ni nchi yenye mazao ya biashara kama Pamba, Korosho, Tumbaku, Kahawa. Zao la Pamba linazidi kuperomoka kutoka wastani wa ekari moja kgs 400 hadi kgs 120 kwa ekari moja ikilinganishwa na Nchi kama China ekari moja kgs 2000, India kgs 1500, Burkinafaso kgs 1200


na wastani wa uzalishaji wa Dunia ni kgs 1200 kwa ekari moja:-

Je, Serikali ina mpango gani wa kunusuru zao hilo.

493. MHESHIMIWA ALBERT OBAMA NTABALIBA (BUHIGWE):

Atamuuliza Mheshimiwa Waziri wa Kilimo:-

Je, ni lini Serikali itawalipa Wakulima 435 wa Kahawa waliodhulumiwa katika Jimbo la Buhigwe.



WIZARA YA MAMBO YA NDANI YA NCHI:

494. MHESHIMIWA MARY DEO MURO (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Kumekuwepo mkanganyiko wa Watumishi wa Jeshi la Zimamoto kwenye Viwanja vya Ndege na Viwanja hivyo kutokuwa huru katika kuwatumia kutokana na kuwa siyo sehemu ya Waajiri wao:-

Je, nini kauli ya Serikali kuhakikisha Viwanja vinajitegemea.

WIZARA YA UJENZI, UCHUKUZI NA MAWASILIANO:

495. MHESHIMIWA FLATEI GREGORY MASSAY (MBULU VIJIJINI):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, Serikali ina mpango gani wa kujenga minara ya simu kwenye Kata za Yayeda, Ampa Arr, Tumati, Gidilim Gorati, Masieda, Endaagichan na Haydere ili Wananchi waweze kuwasiliana.

III. HOJA ZA SERIKALI:

WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2017 na Mpango wa Maendeleo wa Taifa kwa Mwaka wa Fedha 2018/2019.

Kwamba, Bunge likubali kuitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2018/2019.

(Majadiliano yanaendelea)

IV. MISWADA YA SHERIA YA SERIKALI:

(Kusomwa kwa Hatua zake zote)

Muswada ya Sheria ya Kuidhinisha Matumizi ya Serikali wa Mwaka 2018 (The Appropriation Bill, 2018).

DODOMA
26 JUNI, 2018

S. KAGAIGAI
KATIBU WA BUNGE

